

襄城縣志

卷十一

藝文

襄城縣志卷之十一 目錄

知縣汪運正增補

藝文志

記

縣學記

李木魯神

賴考叔祠記

張思敬

范忠宣公祠記

張淮

重修廟學記

吳節

新建襄城儒學泮池記

林鸞

重修科目題名記

姚汝皋

重修首山文峯記

樊敘

歲貢題名記

李敘

五嶽神像記

辛自修

重修明倫堂記

張寧

專經閣記

尚謙

文昌閣記

董九貢

壁壁記

井一濟

陳公北渠記

張一

陳公南渠記

張一

汝南書院記

靈泉山記

傅廷樞

重修冷武將軍廟記

郭守訓

作霖亭記

郭守訓

瘡使司記

郭守訓

紫雲書院學田記

許子尊

義學記

許子尊

石丈記

許子尊

義林記

劉子章

科貢題名記

陳治安

武科題名記

陳治安

義塚記

陳治安

河渠記

劉青藜

樊烈婦神異記

劉青藜

重修玄帝廟記

劉青芝

潁鎮修橋記

汪運正

辛店修橋記

汪運正

馬創泉建亭記

汪運正

賦記

劉青芝

襄城縣志卷之十一

知縣汪運正增輯

襄城縣學記

李木魯紳

士

縣之廟學政相仍或叛或葺既有功緒士民父兄相率礱石鐫文示不忘德其權輿則緱山陳公之鑒也監縣哈喇章至以講堂卑陋將壓暨尹武瑞簿王元弼教諭周壽祖謀撤新之崇大于舊初費序鐫而西闕遂築于西以堂遺材足之于是堂序鼎出有巖有翼上下各稱起役于延祐四年秋八月甲午訖工于六年春二月戊子既落之矣其鄉先生林從善

以諸生溫迪罕紹基走書經京師屬記曰是役也
侯倡之僚案和之民悅而事舉鄉侯之賢惟恐不
狃來汴汴高士項仲明父屬林君意彌篤狃邑
舊從事也敢以咏陋辭按春秋鄭汜邑也因周襄王
出居改名曰襄城或曰黃帝時蓋已有之故隸汴
今許州屬縣也許昌祭酒大儒趙公以道義化服
鄉襄城則杖履所及親炙之士尤彬彬焉林君其
也嘗師縣學縣大夫之子瘁序欲有所爲

數也聖朝以經行取士山川之所生育政教之所培
植風化之所陶冶賓興之盛將不讓州予竊有望焉

古所謂教四民皆範于其中世益下衰不盡臻此雖
然師士之則也士民之望也之堂也之序也師教
弟子學道德之醇疵事業之作止行義之榮辱文藝
之順悖習俗之厚薄賢能之有無繫焉授受乎是堂
藏修乎是序聖賢有成書朝廷有明法日邁月征
或未至豈賢有司築室以奉師弟子之意哉有志者

嘉靖縣志
一
宜思所以奮起也至治元年春正月甲申記

潁考叔祠堂記

元 張思敬

儒學
提舉

一言而格君心之非一善而藹萬世之譽非忠孝之
志迫出辭表豈能使聽之者感激追悼喜愧交集者
哉寥寥宇宙間能以純孝錫類其潁考叔之謂乎公
鄭人也按春秋左氏傳事莊公爲潁谷封人初莊公
有弟曰共叔段多才好勇而貪黷無厭母姜氏愛之
與之謀將啟而襲鄭莊公命子封帥車乘克之遂遷
姜氏于城潁誓以黃泉爲期考叔因賜食之暇曰小
人有母未嘗君之義請遺之莊公悟焉教闕地爲隧

相見子母如初於戲賢矣哉公以推己及人之誠而
親其親忍使其君遺其親而弗親也莊公始根于私
憾悔心旣萌破其疑疏其室惻然而良性復雖然人
之虛靈豈終眊耶與夫許而爲直慙而爲忠不遜而
爲勇攜怨鉤禍其紀繇匡惡果何益哉故智者待其
幾而後動君子伺其閒而後言以善誘之反諸正而
已上下之情雍熙洞洽功簡而效速偉乎哉劉揚休
也竊思道義之士于笑談頃足以致君澤民者不可

梁曰潁橋據橋三百步有奇巨塚巍然實公葬所也
傍有祠址宛存至大庚戌曹南趙君汝翼雅德君子
也由太常大樂署令出尹襄城以化民爲首曰前賢
餘芳煥耀經史讀者莫不興起况歷遺墟仰嚴祀于
徘徊嘆美間其勸激又將何如耶遂因其故基建祠
設像俾往來之人爲臣者思慕其忠爲子者景仰其
孝旣知行道揚名之端又表匡世事上之要其有裨
治道厚民彝茲祠其張本歟時至大三年九月也

宋丞相范忠宣公祠記

張 淮

嘗在有宋范忠宣公以秘書省著作佐郎來知襄城
縣事維時民多游惰不務蠶桑以供衣服公始教民
植桑以蠶其有過者罰而植之隨其輕重而以爲多
寡厥後桑多成林民賴其利感之遂號爲著作林到
于今翳桑蔽野有以蠶絲致富者淮少遊鄉校聞吾
鄉先生道其事甚悉心切慕之旣長叨科第歷知山
陽蕪湖二縣備員監察御史成化庚子夏奉勅查核
寧夏固原邊儲便道省母於家適肅寧朱侯贊知縣

事淮乃白曰范忠宣公有惠政於我縣民也大矣祭
法曰法施于民則祀之若忠宣公亦其人也今天下
郡縣祀古今官于其地有功德于民者亦多而忠宣
公自建中靖國以來幾四百有餘歲矣跡久湮沒民
不知報繇無祠以祀之非闕典歟表彰先賢修舉祀
典非我邑侯之責而誰責與朱侯曰諾乃相與相與
於邑學西塤外之射圃寔元之三皇廟廢基也復
建於學塤內西徧隙地以便習射焉祠未果立朱

侯爲節愛又廢而不果者幾十年矣此

東山志

淮自謫荆雅州進江西僉事又省母于家適無錫邵
侯寶知許州事行縣襄城淮復白之侯卽忻然以爲
已任遂躬造其地經畫其堂廡門牆高卑廣狹之制
以極計者凡若干以丈計者凡若干又召匠氏計其
所費之直以緡計者凡若干規畫既定乃徐營其直
旣足欲屬諸人以董其事而未得歲庚戌春海豐王
侯來知縣事邵侯喜曰吾得人矣因來謁乃告之故
遂以成規并所費之直授之且戒勿擾於民王侯受
之惟謹歸而市材召工筮日興役凡百所而惟邵侯